

4. runda umens activs 3. ligia:

Bonaduz – Trun / 1:8

Il quart giug da campionadi da questa sesiun ha giu liug la dumengia, ils 3 da zercladur, dallas 13:00 a Bonaduz.

Ei eran aunc ina equipa da juniors ed ina da femnas che vevan da finir sias partidas, aschia che mo in giugadur da nus ha saviu entscheiver ad uras.

Il Luca Pally ha dau quella ga sco nummera 1. El ei bu propi vegnius a frida cun il giugar da siu adversari ed ha spiars quei giug. Leandro Petschen ha mussau ina fetg buna partida cun in bien engaschi e buna concentrasiun. El ha alla fin digl empren set aunc saviu metter si ina crena ed ha gudignau quel cun 6:4, il secund ei lu staus ina clara caussa cun 6:1. Ils ulteriurs singuls ein ir senza problems en favur da nossa equipa. Il resultat suenter ils singuls ei stau 5 :1 per Trun.

Il Luca ha saviu far revantscha per il singul ed ha gudignau il dubel nummera 1 cun Ursin Lechmann clar e bein cun 6:1 e 6:3. Nus vein era gudignau ils dus ulteriurs dubels senza problems.

Nus vein aschia gudignau il giug encunter Bonaduz cun 8:1.

Suenter ils giugs da tennis vein nus astgau guder ina excellenta tscheina e vein aunc dau ina paterlada cun nos emperneivels adversaris da Bonaduz.

In special e grond engraziament va a nossas fideivlas aspectaturas, la dunna e la poppa digl Ursin, che ein puspei vegnir a sustener nossa equipa!